

نورکيا بو يوگ ملت مجلسی

ضبط

طقسان اوچنجی اجتماع

مندرجات

قارص مبعوثی علی رضا بکک مبعوثلغناک تصدیق
شفقت اسلامیہ یوردینہ معاونت حقندہ کی لایمہ قانونیہ نیک مذاکرہ وقبولی
قوجکیری هیئت انتخابی

برنجی جلسہ

رئیس : برنجی رئیس وکیل حسن فہمی بک افندی

کاتب : محمود سعید بک (موش)

۱۵ تشرین اول ۲۲۷ جمہ ایرتسی ساعت ۱۰-۲ صکرہ

رئیس — قارص مبعوثی علی رضا بکک مبعوثلغنی
قبول ایدنلر لطفاً ال قالدیرسون : (قبول صدالری)
قبول ایدلمشدر .

افندم ! مأذونیت حقندہ دیوان ریاست قراری :

۱۳ - ۱۰ - ۲۲۷

هیئت عمومیہ

آئیدہ اسملری محرر ذوانک معذرت قطعیه ومشروع لریته
مینی خذالزندہ کوسترلیدی مقدارده مأذونیت اعطاسی دیوان
ریاستک ۱۳ تشرین اول ۲۲۷ تاریخلی اون ایکنجی اجتماعندہ
تسبیب ایدلمش اولغله کیفیت هیئت عمومیہ نیک نظر تصویبہ
عرض اولنور افندم . بو یوگ ملت مجلسی رئیس نایسی
دوقتورعدنان

رئیس — خلیل ابراہیم بک آنطالیہ اوچ آی ، قبول

بیورانلر لطفاً ال قالدیرسون : (قبول ایدلمشدر)

رفعت بک (قیصری) اوچ آی ، قبول ایدنلر لطفاً ال

رئیس — مجلس کشاد ایدلدی . ضبط سابق خلاصہ سی
اوقونہ جق . (ضبط سابق خلاصہ سی قرائت ایدلدی .)
ضبط سابق خلاصہ سی حقندہ مطالعہ وارمی ؛ (خایر صدالری)
ضبط سابق عیناً قبول ایدلدی .

مکلفیت عسکرہ قانونک ۴۲ نجی مادہ سنک تعدیلنہ
دائر چوروم مبعوثی ہاشم بکک تکلیف قانونیسی لایحہ
انجمنہ حوالہ ایدیوروز . (آکلاہ مدق صدالری) افندم
مکلفیت عسکرہ قانونک ۴۲ نجی مادہ سنک تعدیلنی
تکلیف ایدیورلر . لایحہ انجمنہ کوندریوروز .

قارص مبعوثی علی رضا بکک انتخاب مضبطہ سی وار
اشبو مضبطہ بالتدقیق اصولنہ موافق اولدینی تصدیق
اولونور .

۱۰ - ۱۰ - ۲۲۷

اسکیشہر بولی
دیاربکر حاجی ولی
مصطفی عاکف دوقتورفؤاد

قالديرسون : قبول ايدلمشدر .

حامي بك (قيصري) اوچ آي ، قبول ايدنلر لطفاً ال

قالديرسون : قبول ايدلمشدر .

نابت افندي (قيصري) اوچ آي ، قبول ايدنلر لطفاً

ال قالديرسون : قبول ايدلمشدر .

عمر لطفى بك (صاروخان) اوچ آي ، قبول ايدنلر

لطفاً ال قالديرسون : قبول ايدلمشدر .

خسرو سامى بك (اسكيشهر) اوچ آي ، قبول ايدنلر

لطفاً ال قالديرسون : قبول ايدلمشدر .

نادر بك (اسپارطه) اوچ آي ، قبول ايدنلر لطفاً ال

قالديرسون : قبول ايدلمشدر .

رمزى افندي (اسپارطه) اوچ آي ، قبول ايدنلر لطفاً

ال قالديرسون : قبول ايدلمشدر .

حسن افندي (دكزلى) برآي تمديداً ۳۳ تشرين اول ۳۷

تاريخندن اعتباراً قبول ايدنلر لطفاً ال قالديرسون : قبول

ايدلمشدر .

مظلوم بابا (دكزلى) ايكي آي تمديداً ۳۳ تشرين اول ۳۳۷

تاريخندن اعتباراً قبول ايدنلر لطفاً ال قالديرسون : قبول

ايدلمشدر .

حسين حسنى افندي (اسپارطه) بر بچق آي ، قبول

ايدنلر لطفاً ال قالديرسون : قبول ايدلمشدر .

رئيس — ارغنى مبعوثى رشدى بك حقنده ديوان

رياست قرارى :

هيئت عموميه

هيئت عموميه قراريله ۱۴ شباط — ۳۳۷ تاريخنده خدمات

وطنيه مأمور ايدلمش وخدمات وطنيه سى ۲۷ نيسان — ۳۷

تاريخنده ختام بولان ارغنى مبعوثى رشدى بك : وظيفه وطنيه سنك

ختام بولديغنه دائر طرف رياستدن چكيلن تلغرافنامه نك پالو

مركزينه ورود ايمه ديكي اشعار ودرت آي مآذونيت طلب

ايله مشدى . كيفيت اوزمان ديوان رياستجه تدر اولنهرق

موى اليك وظيفه وطنيه سنك ختام بولدينى تاريخندن اعتباراً درت

آي مدتله مآذون عدى تصويباً هيئت جليليه عرض اولنمش

ايسهده اشومآذونيت قبول ايدلمديكندن برآن اول مجلس عاليه

التحاق اتمك اوزره حركت ايمه سى لزوى ۳ تموز — ۳۷ تاريخ

و ۹۳۲ نومرولو تلغرافنامه ايله پالوده ميرموى اليه تبليغ اولمشدى .

موى اليه بولديغات اوزرينه آنقرمه حركت ايمش ايسهده مجلس

عاليه بولديغات ۲۱ ايلول — ۳۳۷ تاريخنده التحاق ايله بيلمش

وشوخاله نظر اوظيفه وطنيه سنه ختام ويرلديكى ۲۷ نيسان ۳۷

تاريخندن ۲۱ ايلول — ۳۷ تاريخنه قدر درت آي يكرى درت

كون تجاوزه اولدينى آكلاشلايدغندن معذرتك نخر برآ اشعارى

لزوى ۲۱ ايلول — ۳۷ تاريخلى ديوان رياست قراريله رشدى

بكدن استفسار ايدلمشدى . موى اليه ويرديكى تحريرى جوابده ؛

خدمات وطنيه سنه ختام ويرلديكنه دائر مقام رياستدن چكيلن

تلغرافنامه نك پالو مركزينه ورود ايمه سنندن وبوكا آنچق

رياستك ۲۳ حزينان ۲۷ تاريخلى تلغرافنامه مطلاع اولمسنندن

ومآذونيت طلبك عدم اسماعلى اوزرينه خرجراهنك اعطاسى

حقنده كى تلغرافنامه ۲۰ تموز — ۳۷ تاريخنده جواب ويرلمه سنندن

ومال صنديقك مضايقه سى حسييله خرجراهنك ۲۰ آغستوس

۳۷ تاريخنده تأديه سنندن وعينى زمانده برآي قدر راحتسز

بولمسنندن منبث اولديغنى افاده ايمش ويننده موجود وثائقه

نظراً رياستك ۲۷ نيسان — ۳۳۷ تاريخ ۲۱۲-۳۹۳ نومرولو

وظيفه وطنيه سنك ختام بولديغنى مشعر تلغرافنامه نك پالو مركزينه

ورود ايمديكى وكيفيتدن ۲۳ حزينان ۳۳۷ تاريخلى تلغرافله

خبردار اولهرق مآذونيت طلبنده بولندينى ومال صنديقك موجودى

اولديغى جهتله خرجراهي ۲۰ آغستوس — ۳۳۷ تاريخنده اولدينى

وعين زمانده راحتسز بولنديغى جهتله مجلسه ۲۱ ايلول — ۳۷

تاريخنده التحاق ايله بيلديكى آكلاشلمش وخدمات وطنيه سنه

نهايت ويرلديكى ۲۷ نيسان — ۳۳۷ تاريخنه قدر تخصيصاتى آلق

۲۸ نيسان ۳۳۷ تاريخندن مجلسه التحاق ايتديكى ۲۱ ايلول —

۳۲۷ تاريخنه قدر كچن مدتك اوچ اينك سنه ظرفنده كى استحقاقنه

محسوباً وديكر قسملكده بلا تحقيقات مآذون عدى تنسيب ايدلمش

اولغله كيفيت هيئت عموميه نك نظر تصويبنه عرض اولنور اقدم .

تور كيا بيوك ملت مجلسى رئيس ناييس

دوقتور عدنان

رئيس — اقدم ! بو خصوصده مذاكره آچيلمه سنى

آرزو ايديسور ميسكز ، مذاكره آچيلمه سنى تنسيب بيورانلر

لطفاً ال قالديرسون . (كورولتيلر)

رشدى بك (ارغنى) — رئيس بك سوزم وار . مساعده

بيوريكزده سويله يه يم .

رئيس — اقدم ! مآذونيته متعلق اولان مسائل يلا

مذاكره راييكزه عرض ايديلير . بو مسئلهده مذاكره

آچيلوب آچيلمه سنى نظامنامه تقيد ايتديكى ايچون مجلس

عاليك تقديرينه براقدم . ورايه وضع ايتدم . اكثرثيت

مذاكره آچيلمه سنى طرفدار اولمدي . اونك ايچون سوز

ويرمه دم . (كورولتيلر)

رشدى بك (ارغنى) — رئيس بك ! هر حالده سوز

ويريكز سويله جكم شيلر واردر .

اعاشه و تعليم و تربيه و بونلرله برابر غربايي تداوى ايتك كبي محليت دى دارالايتملرك حائر بولندقلرى خصوصيت فوقنده واسم بر دارالمعاونت بولنديني آكلاسهلته اولسته نظراً بو مؤسسسه بجه و معاونت اجتماعيه بودجهستدن معاونت لازمه ايفاسى اساس اعتباريله قبول ايدلشدر . آنجق بوكونكي احوال و احتياجات مبرمه مزه و بوندن متولد وضعيت ماليهيه نظراً طلب و تكليف اولنان معاونتك بويه اهميتلى برصورنده ايفاسنه امكان اولميه جنى جهتله مؤسسسه بيه مقتضى بنانك بدل اجازى ايله سائر احتياجات مبرمه سنه مدار اولنى اوزره صحيه و معاونت اجتماعيه بودجه سنك ۱۹۳ (آ) فصلنه بش بيك ليرانك وضعى اكثرته تذكرو تكليف قانونيك آكا كوره يكيدين بالثبوت تقديم ايدلديكي هيئت عموميه بيه عرض اولونور .

۱۶ نيسان ۳۳۷

رئيس	مضبطة محررى	كاتب
بوردرور	طر بزون	صاروخان
ولى الدين	حسين حسنى	رشاد
		يالكر او بيك ليرا ايچون
ايچ ايل	نيكده	سيواس
على	محمد	اوقونه مدى

(آكلايه مدق صدالرى)

رشدى بك (ارغنى) - المده و نائق وار . اثبات ايدم جكم .

رئيس - سكوت ايديكز رشدى بك ! اخطار ايدىورم .

افدم ! اوقونان موازنه ماليه مضبئه سيدر . طبع اولنديني ايچون دقله ديكله ييكز . (مضبئه تكرر ارقوندى) .

رشدى بك (ارغنى) - هم مأموراً كوندري بيور سكر . همده بويه يايور سكر .

رئيس رشدى بك اخطار ايدىورم صوصيكز معذرتى مجلس مقبول عد ايتدى .

راغب بك (آماسيه) - افدم ! بنده كز بويوردك اوفاجق تاريخچه سنى عرض ايدم جكم . بشقه برشى دكل معلوم عاليلر يدر كه حرب عموميه در جمعت زمانلر نده پدرلى كيتمش شهيد اولمش ، والده لرنى ، يا خود بيوك پدرلى و يا خود اقر بالرى نرندم فلش بر طاقم اولاد شهيدانى و مهاجرى نرندم حين رجعتده طولاملش و معاونت اجتماعيه ناميله تأسيس ايتدكلى ايتام بوردلر نده حفظ و صيانت ايتمكده بولنمشدر .

رئيس - افدم ! ديوان رياستك قرانينى رايكزه عرض ايدىورم . مجلس عالينك خدمات وطنيه سنه نهايت ويرديكى . . .

رشدى بك (ارغنى) - سوز ايترم . حقى مدافعه ايدم جكم . نصل اولورده مأذونيمه محسوب ايديلير .

رئيس - رشدى بك رجا ايدرم . سكوت ايديكز . افدم مجلس عالينك خدمات وطنيه سنه نهايت ويرديكى كوندن صكره كچن ايام حقنده كى معذرتى ديوان قبول ايدىورم . على الاصول مأذونيت اعطاسى جهتنى ده مجلس عاليكز تكليف ايدىورم . قرارك ماهيتى بودر . ديوان رياستك قرانينى تنسيب بيورانلر لطفأ ال قالديرسون . (قبول ايدلشدر) .

رشدى بك (ارغنى) - بوقرار كله حك سنه كى مأذونيمه محسوب اوليور . بوبكا حقارتدر . مساعده ايدك ، حقيقتى تشريح ايدم . بوبكا حقارتدر .

رئيس - آماسيه ده كى شفقت اسلاميه يوردينه معاونت حقنده كى موازنه ماليه انجمنى مضبئه سى وار اوقونه جقدر .

موازنه ماليه انجمنى مضبئه سى

آماسيه ده كى شفقت اسلاميه يوردى ايچون صحيه و معاونت اجتماعيه بودجهستدن بش بيك ليرا تخصيصات قبولنه دائر قانون : ماده ۱ - اولاد شهدا و مهاجرينك اعاشه سى و تعام و تربيه لرى ايچون آماسيه ده كشاد اينلش اولان شفقت اسلاميه يوردينك مصارف دائمه و مبرمه سنه مدار اولنى اوزره ۱۳۳۷ صحيه و معاونت اجتماعيه بودجه سنك ۱۹۳ (آ) فصلنه بش بيك ليرا تخصيصات قبول ايدلشدر .

ماده ۲ - اشبو قانون تاريخ نشرندن معتبردر .
ماده ۳ - اشبو قانونك اجر سنه ماليه و صحيه و معاونت اجتماعيه و كيللرى مأمورددر .

آماسيه ده وقتيله كشاد اينلش اولان شفقت اسلاميه يوردينه تعليم و تربيه ايديلان بر طاقم اولاد شهدا و مهاجرينك رفاه حاللرنى تأمين ايچون واسع بر بنا وجوده كتيرمك اوزره اوتوز بيك ليرانك صحيه و معاونت اجتماعيه بودجه سنه لزوم علاوه سنه دائر آماسيه مبعوثى حمدى بكك ۲۹ مارت ۳۳۷ تاريخلى مضبئه ايله لايحه انجمنندن توديع اولنان تكليف قانونيسى مطالعه و تدقيق اولندى .

صورت تأسيس و اداره سى اوراق مربوطه ده تصور اولنان اشبو شفقت اسلاميه يوردينك شهدا و مهاجرين اولادنى

متار که می متعاقب اردو قادر و سندن بونلرک پاره سنی چیقارمش
 بناء عليه؛ بوايتام مرزيفونده ۳۰۰، ۳۵۰ قدر مقدار نده در .
 بونلری صالیور بوب سوقاق اورته سنه براقق بالطبع انسايتنه
 موافق کله میوردی . بوزمانده ده انکیزلر و امریقالیلر
 بو چوققلری بز و یرک دیه مراجعت ایدیورلردی .
 بز اعاشه ایده لم ، سز اعاشه ایده میه جکسکز دیورلردی .
 خالموکه : زم بونلری و یرمکلکمیز قابل اولامیوردی .
 علی العجله مملکتده شفقت اسلامیه نامیله بر جمعیت تشکیل
 ایدیله رک و بونلره مقتضی اولان شی اعانه وسائر صورتیله
 علی قدر الامکان درج اولونلر ق مرزيفونده ۳۵۰ قدر
 یتیم و یتیمه نی تحت حمایه سنه آلدی . ایکی سنه در بونلری
 اعاشه و الباسنی هر صورته تأمین ایدیور . بونلر براقلش
 اولورسه بوکون جمعیتک بر چوق اعضاسی عسکر در ،
 بر چوغی تکالیف حربیه صورتیله حکومته بر چوق
 معاونتده بولونمشلردر . شمدی بز بونلرک بر قسمی
 اعانه ، بر قسمی ده حکومتک معاوتیله شی ایدیوروز . بر قسمی
 دارالتحصیلر آچهرق او قوتدیریوروز . بر قسمی ایچون
 دارالصناعه لر کشاد ایده رک بز طوقوتدیریوروز . انشاه
 ایلریده ده هارتقی ایتدیره جکیز . بونلر ایچون بر ایپک فایقه سی
 آلدق . آلات وادواتی موجود . سرمایه مز اولورسه بونی
 ایشلتدیره جکیز ، بونلره ایپک جلیلیکی اوکوره جکیز . زم
 ایسته دیکمز یاره جزئی بر یاره در ، معاونت اجتماعیه
 ترتیندن آلدق . شمدی ده قیش کلیور . قیش کلزدن
 اول مجلس عالیکز بویاره نی قبول ایدرسه ۳۵۰ چوجغک
 هر بریسنه بشر لیرا دوشر که البته بونی دریغ بیورماز سکیز .
 حسین عونی بک (ارضروم) — افسدم بویله بر
 تکالیف قارشوسنده خاطره کلیر که مملکتک هر طرفنده
 مهاجر ، هر طرفنده فقیر وار . فقط شوراسنی عرض ایدرم که
 آماسیهدن کچدیکم زمان مذکور مؤسسه نی بیوک بر مؤسسه
 حاله کتیرلمش اوله رق کوردم . بیوک بر همتله بر مکتب
 وجوده کتیرلمش ، معلملری وار . بیوردقلری کچی جمعیت
 حقیقه چوق چالشمشدر . بناء عليه بو تکالیف غایت مصیبدر
 بویاره نک و یرلمسنی رجا ایدرم . (قبول صدالری)
 بصری بک (قره سی) — کوریورم که هیئت جلیله

بو قانونی مع الافتخار قبول طرفداری . بناء عليه اوزون
 اوزادی یه سوز سویله مکه لزوم یوقدر . معاونت
 اجتماعیه وکالتک برنجی دفعه اولمق اوزره یادیغنی بیوک
 خدمت بوقانونه تظاهرا یتمکده در . مملکتک بعض برلرنده
 خلقک تشبثاتیه آچیلان بویله اسلامی مؤسسهلری ادامه
 ایتک بز ایچون فریضه در . بناء عليه بوقانونک بلامناقشه
 قبولی تکلیف ایدیورم .

رئیس — اقدم ! مذاکره نک کفایتی حتمده بر تقریر
 آلم . سوز آلمش یدی آرقداشمز واردر . اگر بونلردن
 علیده سویله یه جک وارسه سوز و یریم (خایر صدالری)
 یکی مذاکره نی کافی کوزنلر لطفاً اللری خالدرسون ! مذاکره
 کافی کورلدی . ماده لره کجلمسنی قبول ایدنلر اللری خالدرسون
 ماده لره کجلمشدر .

ماده ۱ — اولاد شهیدا و مهاجرینک اعاشه و تعلیم
 و تربیه لری ایچون آماسیهده کشاد ایلمش اولان شفقت اسلامیه
 یوردنک مصارف دائمه و مبرمه سنه مدار اولمق اوزره ۱۳۳۷
 صحیه و معاونت اجتماعیه بودجه سنک ۲۹۳ (آ) فصلنه بش بیک
 لیرا تخصیصات قبول ایلمشدر .

حقی حامی بک (سینوب) — اقدم ! بنده کز هیئت
 جلیله کزه شونی عرض ایتک ایسترم : معاونت اجتماعیه نک
 طبیعی بر فصلی واردر . بوفصلی فلان یره و یردییه بر قانون
 یاییله جق دکل . بو صلاحیت ذاتاً وکالتده در .

مفید افندی (قیرشهر) — چوق طوغر یدر .
 (خایر طوغری دکل سسلری)

حقی حامی بک — بو بویله در . لکن یکی تخصیصات
 علاوه ایدیله جکسه یکیدن قانون یاییله جق . فقط ظن
 ایدیورم که : فصلدن صرف ایده بیایر . (کوروتیلر)
 یاسین بک (عیتاب) — بومسئله بودجه یه متعلق
 برمسئله در . مالیه وکیلنک ایضاحات و یرمسی لازمدر .
 مفید افندی (قیرشهر) — معاونت اجتماعیه وکالتنه
 تعلق ایدن برمسئله نی مذاکره ایدیوروز . وکیل کلسه ده
 برسوز سویلسه دیکله سهک .

مالیه وکیل حسن بک — اقدم ! آماسیهده کی شفقت
 اسلامیه یوردنک مصارف مبرمه سنه قارشولمق اوزره
 معاونت اجتماعیه وکالتک بودجه سنک فصل مخصوصه

صوك موقع مرعيته قونيلان شكانده بو آماسيه شفقت اسلاميه مؤسسسه سنه پاره صرفه مأذونيت و يرلمشدر . حال حاضر يله . اونك ايچون بويله بر ماده قانونيه ايله مأذونيت و يرلمش اوله جقسكز .

مفيداندى (قيرشهر) — او حالده تخصيصات منضمه در . ماليه و كيلى — خيراقدم منضمه دكل . معلوم عاليكز صرفياتك اساسلى تثبيت ايدلمشدر . مصدق بر بودجه اولماديني ايچون تخصيصات منضمه نك ماهيت قانونيه سنه توافق ايتمز .

مذاهب حامي بك (بولى) — افندم! بيكگرجه يتيم كوزومك او كنه كه رك بونلردن هيچ اولمازسه بر قسمنك بوصورتله قورتارلسى ايچون قيلمله ايجه مجادله ايتدم فقط بن صورمق او زره ايكن شكرى بك برادر مزك صوردينى برسؤالنه قارشى ماليه و كيلنك و يرديكى جواب بنم قابى صيزلا تدى! سمدى تأديا تده بولنه مام ديدى . افنديلر! دائما سويلرم از جمله بوكى مؤسسسه لده مدير و سائر قيبانندن اكر مقتدر كيمسه لر يوقسه اونلرى قياتمق اولادر . زيراقا تمامديغمز تقديرده اينى يوف دن آدم لرله كندمى زى آوتوش اولورز . حالبوكه اكر قياته جق اولورسه ق كندمزه موافق ، ده ااعلا بر مؤسسسه آجغه دائما غيرت ايدرز . شمدي بودجه يه بش بيك ليرا قونه جق . ماليه و كيلى قطعياً بونى تأمين ايده ميه جك . زواللى اوراده كي بچاره لر ايسه بو بوش اميده قايله رق شفقتلرينى كسه جكار . او چوجقلرده بسبتون قبانه جق صويه دوشه جكدر . بناء عليه قانونك ردينى تكليف ايدىورم .

حقى حامي بك (سينوب) — افندم! رفقاى كرامدن بونى دريغ ايتمك ايسته ين هيچ كيمسه بولونماز . آنجق برمسئله وار . ياش برشى ياپارسق طوغرى اولماز . لايحه قانونيه معاونت اجتماعيه فصلندن بش بيك ليرانك او مؤسسسه يه صرفنى ايسته يور . اكر بو طرزده قبول ايده جك ايسه ك معاونت اجتماعيه فصلنده موجود اولان ارقامدن بالتزويل اوندن ويرملك لازمدر . بناء عليه بنده كز ديورم كه : لايحه دن مقصد بوايسه بوتكليف زاندر . اكر بونك

بش بيك ليرا اعلا وسنه دائر اولان لايحه يى مذاكره ايدن انجمنده بنده كز او زمان مضبته محررى ايدم . و بنده كزده بو رايه اشتراك ايتش آرقداشلىرى كزدن برى يم . بالطبع بو اعتبارله نجه ، شخصم اعتباريله شايان قبولدر . معاونت اجتماعيه بودجه سى دكل آماسيه ده ، بتون يرلرده بولنان بوكى شايان حمايه و معاونت مؤسسسه لره معاونت ايتمى لازمدر . فقط مع التأسف وضعيت ماليه مز بوكا مساعد اولماديغندن اك زياده خدمتى تبارز ايتش ، مثبت نتيجهلر و يرمكه باشلامش اولان بو مؤسسسه يه بش بيك ليرا صرفى بنده كزده داخل اولديغم حالده موازنه ماليه انجمنكزجه شايان قبول كورولمشدر . بناء عليه بوكا بر اعتراضم بو قدر .

نيل افندى (قره حصار شرقى) — تخصيصات منضمه ميدر؟ ماليه و كيلى — تخصيصات منضمه ديمك هيئت جليله كزجه بر بودجه قبول ايدىلوب كسب قطعيت ايتدكن صكره مرهانكى برشى ايچون علاوه سى ايسته ين برپاره يه ديرلر .

صحيحه و معاونت اجتماعيه بودجه سى فصل ، فصل ، ماده ، ماده هيئت جليله كزجه هنوز تصديق ايدلمديكى جهته بونى تخصيصات منضمه اوله رق تلقى يه محل يوقدر . اولسه ، اولسه او فصلك مقدار تخصيصاتى و بو مؤسسسه يه صرف ايديله جك پاره نك مقدارىنى تحديد ايدن بر ماده قانونيه شكانده تلقى ايديلير . آماسيه شفقت اسلاميه يوردينه ويره جكمز پاره نك مقدارى بو قانونه تصریح و تحديد ايدلمش اولور .

مفيداندى (قيرشهر) — بودجه مذاكره سنده نظر اعتباره آلسه ق اولماز مى ؟ ماليه و كيلى — ايسترسه كز تأجيل ايدر سكز . شكرى بك (قره حصار) — آيرى بر ماده يه نه حاجت وار : راغب بك (آماسيه) — پاره نك مؤسسسه يه مستعجلاً لزومى واردر ، حالبوكه بودجه نك نه وقت چيقاجنى معلوم دكلدر . شكرى بك — شمديدن ويرر . ماليه و كيلى — معلوم عاليكز مصارفك اساساتى قادرولر موازنه ماليه انجمنده تثبيت ايدلمش واو اساس دائره سنده موقع اجرايه قونمشدر . صحيحه بودجه سنك

ایدلشدر *) هیئت عمومی سنی تعیین اسامی ایله راییکزه
عرض ایدیورم * قبول ایدنلر بیاض ایتمینلر قرمز
بوصله ویره جکلردر *

افندم ! عدلیه انجمنندن کلن بر ایکی اوراق وار . رفع
حکمی متضمن ، مجوسین حقنده در . بونی شمیدی راییکزه
عرض ایده حکم . رایلر تصنیف ایدیلنجیه قدر اوراق
واردیه دوام ایدم .

شکری بک قره (حصار) — قوچکیری هیئت
تحقیقه سی انتخاباتی ده یاپالم .

رئیس — ابرادیلی حافظ زاده مصطفی افندی حقنده
عدلیه انجمنی مضبطه سی :

عدلیه انجمنی مضبطه سی

اشبو اوراق و متفرعاتی و محکوم علیه ابرادیلی حافظ زاده
مصطفی افندی بک بوباده کی اعتراضنامه سی مطالعه و تدقیق اولوندی .
حکم واقع ابرادیلی حافظ زاده مصطفی افندی بک فونییه حادثه عصیانیه سی
اشناسنده ابرادی ناحیه سی مدیری مدحت افندی بک تعقیب ایتمه سیله
مدیر موی لیمک زرده اولدیفنی معلم حسین افندی بک سؤال ایتمه سی
وحین سؤالده سز اتحاد جیسکسز دلی باشی کلدیکنده سزنی تسلیم
ایده حکم اعدام ایتمدیره حکم دیدیکی ثابت اولسنه سناء خیانت
وطنیه قانونک ایکنجی ماده سنده توفیقاً قانون جزانک ۴۶ نجی
ماده سی موجنبجه اوچ سنه قلعه بند اولسنه قرار ویرلدیکندن
عبارتدر . محکوم علیه حافظ زاده مصطفی افندی بک بر وجب ادعا
سوز صرف ایتمدیکه ثابت اولیوب آنجیق دلی باشی بورایه کلدیکنده
نه یاپاجسکسز دییه معلم حسین افندی بک سؤال ایتمدیکه و علم
مرمی الیمک ده سز نه یاپاجسقه کز زره اوله یاپاجسز دیدیکی بو
سوزک سوبلندیکی خبر ویریلان اسکچی محمد آتاک دکانده کی
دکان صاحبی محمد آتاک شهادتیه آکلاشیلیمش بو سوزک قانوناً
برجرم تشکیل ایتمه جکی درکار بولونمش اولدیفندن حکم واقع
رفعیله موی الیه مصطفی افندی بک سبب آخردن موقوف دکاسه
هان تخلیه سی خصوصنده هیئت عمومی به تکلیفنه متفقاً قرار
ویرلدی .

اعضا	مضبوطه محرری	عدلیه انجمنی رئیس
قیرشهر	آتاپایه	اسکیشهر
مقد	خلل ابراهیم	عبدالله عزیزی
اعضا	اعضا	اعضا
مرعش	سینوب	نیکده
تحسین	حق حامی	مصطفی حلمی

رئیس — افندم ! بو مضبطه حقنده سوز ایسته یین
واری (یوق صدالری) سوز آلان یوق . راییکزه
عرض ایدیورم . عدلیه انجمنک مضبطه سنی قبول ایدنلر

دوغرولغنی قبول ایدرسه ک معاونت اجتماعیه وکالتی فصلنده
موجود بولنان هیچ بر ارقامی مجلس عالی کز دن ماده ،
ماده قانونه چیقارمادجه صرف ایدمه جکلدر . حالوکه
بوصورتله بودجده موجود معاونت اجتماعیه فصلنده بر
رقم واردرکه : مقصد بونک اورادن بالتزیل اعطاسی ایسه
بو قانونه هیچ لزوم یوقدر . معاونت اجتماعیه وکیلی یاپار .
بنده کز آکلایورم که : او موجود ارقامدن صرف ایدلمه جک .
اونک جهت تخصیصی باشقهدر . بو اعتبارله بو منضم اوله .
جقدر . منضم اولدیغنه نظراً بونی آکا کوره مذا کره ایتمک
ومالیه وکیلکده مطالعه سنی آلمق لازمدر .

رئیس — مجلس عالی کزده ماده نک صوک فقره سی
اوزینه بردها ایضاحات ویره م . حق حامی بکک باشقه
صورتله مطالعه لرندن ماده نک ای دیکنمه دیکی آکلاشیلور .
ماده : ۱۹۳ — آ فصلنه بش بیک لیرا تخصیصات قبول
ایدلشدر .

اساساً ۱۹۳ (آ) فصلی بودجده موجود کلدر . بر فصل
اوله رق علاوه در یعنی بر فصل اوله رق علاوه . . .
موجوده بر رقم علاوه دکل .

شمیدی افندم مذا کره نک کفایتیه دائر بر تقریر وار .
اوچ آرقداشمزده سوز آلمشدر . مذا کره نک کفایتی
قبول ایدنلر لطفاً آل قالدیرسین . (کافی کورولمشدر)
ماده یی راییکزه عرض ایدیورم . برنجی ماده یی قبول
ایدنلر لطفاً آل قالدیرسین ماده قبول ایدلشدر .

طونالی حلمی بک (بولی) — تقریر وار .
رئیس — بنده کزده تقریر یوقدر .

حلمی بک — ویردم افندم .
رئیس — اولجه ویره ایدیکسز . . .

ماده ۲ — اشبو قانون تاریخ نشرندن معتبردر .
رئیس — قبول ایدنلر لطفاً آل قالدیرسین (قبول
ایدلشدر)

ماده ۳ — اشبو قانونک اجراسنه مالیه و صحیه و معاونت
اجتماعیه وکیللری مأموردر .
رئیس — قبول ایدنلر لطفاً آل قالدیرسین (قبول

لطفاً آل قالدیرسون (اکثریتله قبول ایلمشدر)

سلیمان سرزی بئکک اعحای اشته قیایه دائر تکلیف قانونیسنک شایان مذاکره اولدیغنه دائر لایحه انجمنی مضطه سی واردر . مساعده ایدر سه کز داخلیه و عدلیه انجمنلرینه حواله ایدهلم [داخله و عدلیه انجمنلرینه حواله ایلمشدر] قوچکیری یه کوندویله جک هیئت تحقیقیه نك انتخابی اجرا ایده جکز . رأیلر بکزی حاضر لایک . اولجه اجرا ایدیلمن برنجی انتخابده اکثریتی قازانان قره سی مبعوثی عبدالغفور افندی بر تقریرله مجلس عالیدن کن دیسنک عفونی رجا ایدیور . مع مافیله ؛ اگر عبدالغفور افندی آرقداشمز بو تقریر لرلنده مصر ایسه لر یینه بش آرقداش انتخابی لازم کله جک رجا ایده رزگری آلسونلر . عبدالغفور افندی (قره سی) — تقریر مده معذرت می

عرض ایتمشدم ، تقریرم او قونسون . ریاست جلیله یه

قوچکیری هیئت تحقیقیه سی اعضائی انتخابنده اعطای رأی صورتیله ابراز آثار توجه و امنیت ایدن ذوات محترمه یه عرض منت و شکران ایده رم . آنجق هیئت مشارالیه نك قبل العفو اعزای علمینده بووقناعتمی استحصال آرا ده ده اظهار ایتمش بولوندیغمدن داعیلرینک عفونی صمیمیتله رجا ایلم اولبایده .

قره سی مبعوثی عبدالغفور

رئیس — مجلس عالی نك قرارینه تبعاً وظیفه یی درعه ده ایده جکسکز . بناء علیه ؛ تقریر لرینک کیری آملارینی رجا ایده جکز . تقریر بکزی کیری آلیکز . عبدالغفور افندی (قره سی) — اصرار ایدیورم . . . رئیس — او حالده بش ذات اوزرینه انتخاب اجرا ایده جکز .

عاطف افندی (آقره) — اکثریت اضافیه ایله یاه جقه سی . . .

رئیس — خایر . اکثریت اضافیه یاه پامیه جغز . چونکه کچن دفعه کی رأیلر اکثریت مطلقه یی بولمادیغی ایچون انتخاب کأن لمیکندر . اگر بو دفعه ده اولمازسه او وقت رأی اضافی اوله جقدر . بو دفعه یاه جنمز انتخاب ایکنجی انتخابدر .

عدلیه وکیلی رفیق شوکتی بک — بو مسئله حقتده

ایضاحات ویره جکم .

رئیس — خایر مذاکره آچمیه جغز .

سلیمان سرزی بک (یوزغاد) — انتخاب اوزایه جقدرم . ظن ایدرم . هر شعبه دن بر ذات انتخاب ایلسون اوزاتی ده مجلس عالی رأی اشاری ایله قبول ایسون .

عدلیه وکیلی رفیق شوکت بک — مساعده بیوریکز . برشی سویله جکم . شمعی افندم بو قوچکیری وقعه سنک تحقیقه مأمور اولمق اوزره کیده جک ارقداشلریمز البته بو وظیفه یی ایفا ایده جکلردر . فقط ؛ بنده کز عدلیه وکیلی صفتیله مجلس عالی نك نظر دقتی جلب بو و خصوصه وارد خاطر م اولان شیء عرض ایده جکم . خیری بک برادریمزک ویردیگی بر تقریرله دنیلدی که : موقوف اولانلر حقتده اولان محاکمه دورسون . طبیعتیله دوره جقدر . بر نقطه یی خاطر لاته جغم . بونک دورمه سی تکلیفه سائق اولان سبب هر هانکی محاکمه ده اعدامه محکوم ایدیلمن اعدامنه قرار ویرلمی ملحوظ اولانلرک حیاتی قورومه سی دیمشک . و شمعی بوراده هیئت تعیین اولنه جق کیده جک ، تحقیقاتی یاه جق ، مجلسه بیلایره جک . بو بنده کزک قناعتمه کوره قیشی ده نظر دقته آله جق اولورسه ق تخمیناً اصغری ۳-۴ آیاتی بر ایشدر . تصور ایده بیلایککز قدر قیصه قبول ایدیکز ؛ شوراسنی عرض ایده میم که :

شمعی هیئت تحقیقیه کیتسه ، تحقیقاتی یاپسه بر جوق کیمسه لرک معصومیتینی بزه کتیرسه یاه جنمز معامله عضودر . فقط ، محاکمه دوام ایتسه بونلرک ایچر و سنده بو تحقیقاندن اول برأت ایده جک اولانلرده واردر . بونلرک حقتده اولسون مانع اولماق ایچون بنده کز هیئت محترمه نك نظر دقتی جلب ایدیورم . دیورم که : قابل تلافی اولمیان جزا اعدامدر . امر ویره لم اوزرایه ، استقلال محکمه سنه ، دیوان حربیه ، مناسب کوره جکمه زیره بونلرک محاکمه سی دوام ایتسین ، اعدامه محکوم اولان اعدام ایلمه سین ، برأت ایده جکلری در عقب تخلیه ایسون . شاید محکوم ایلمش اولسه لر بیله بزم هیئت تحقیقیه نك ویره جکی راپور اوزرینه عفو ایتمک ألمزده در . اونک ایچون او یاه ظن ایدیورمکه افندم ، بالحاکمه موقوفیتلرینه

آماسیه ده شفقت اسلامیہ یوردینہ معاونت حتمہ کی

لایحہ قانونیہ قبول ایدنلرک اساسیہ

دوقتور اشرف بك آٹنه ، نجم الدين افندی سعرد ، عثمان نوری بك بروسه ، حلمی بك آنقره ، عبدالقادر کالی بك قسطنونی ، حسین عونى بك ارضروم ، حسیب افندی مرعش ، دوقتور عدنان بك استانبول ، حمدى بك كنج ، حسن فهى بك كوشخانه ، بهجت بك كنفرى ، درویش افندی ماردین ، عارف بك بتلیس حق بك وان ، ابراهیم افندی ماردین ، اسماعیل رضی بك اسپار طه ، شمس الدین افندی آنقره ، عبدالغفور افندی قره سی ، فکری افندی كنج ، نجاتی بك ارضروم ، یوسف عزت باشابولی ، حسین حسنی افندی استانبول ، دوقتور فواد بك بولی ، ممدوح بك قره حصار شرقی ، عمر لطفی بك آماسیه ، حمدى افندی كنج ، مدحت بك ماردین ، اسماعیل صفا بك مرسین ، بسم أتالای بك کوتاهیه ، ایوب صبری بك اسکیشهر ، علی حیدر بك كنج ، حسن بصری بك قره سی ، سری بك ازمید ، امین بك ارزنجان ، خلیل ابراهیم افندی آنطالیه ، دوقتور عاصم بك آماسیه ، اسماعیل بك ارضروم ، سینی افندی کوتاهیه ، یاسین بك اولتی ، خلیل بك ارطغرل ، مسعود بك قره حصار شرقی ، زکائی بك آٹنه راسم بك چول برکت ، مختار بك مرسین ، مصطفی حلمی بك نیکده ، عاطف بك قیصری ، رستم بك اولتی ، حیدر بك وان ، محمود سمید بك موش ، راسم بك سیواس ، راسخ افندی آنطالیه ، شرف بك ادرنه ، مصطفی بك توقاد ، حاجی ششکری بك دیاربکر ، رضا بك استانبول ، رفعت افندی ، قونیه ، خلوصی بك موش قره حصار صاحب ، مصطفی صبری افندی سعرد ، عبدالغنی بك موش محمد بسم بك قسطنونی ، جاوید بك قارص ، راغب بك غازی عینتاب ، راغب بك کوتاهیه ، امین افندی آیدین ، علی علول بك بوردور ، صبری بك قسطنونی ، حمدى بك آماسیه ، رأفت بك مرعش ، سمدالله افندی بتلیس ، سری بك سیوه روك ، صالح افندی سعرد ، حاجی فیضی بك العزیز ، عاكف بك بوردور حاجی سلیمان افندی ازمیر ، مصطفی بك دیاربکر ، قندزی بك دیاربکر ، حسن بك طرزون ، احمد فرید بك استانبول ، حسین عونى افندی قوزان ، شیخ فوزی افندی ارزنجان ، خلیل ابراهیم بك ازمیت ، فوزی افندی بطوم ، فائق بك ادرنه ، محمد وصفی بك قره حصار شرقی ، علی افندی ارجایل ، مصطفی خلوصی افندی قره حصار ، سری بك ارغنی ، حسنی بك بتلیس محمدوهی افندی قونیه ، عبدالله افندی آٹنه ، رفیق شوکت بك صاروخان ، دوقتور سعاد بك قسطنونی ، حاجی احمد افندی موش ، حاجی خیالی افندی اورفه ، محمد حمدى افندی آٹنه ، وهی افندی نیکده ، حمدى افندی دیاربکر ، خلیل ابراهیم افندی اسکیشهر ، مصطفی افندی سیوه روك ، روشن بك كوشخانه سلیمان سری بك یوزغاد ، راضى بك درسم ، کاظم حسنی بك قونیه ، حقى حاجى بك سینوب ، مظهر بك آیدین ، عارف بك استانبول ، حاجی طافندی اسپارطه ، حسین حسنی افندی اسپارطه ،

ختم زریلوب برأت ایتهلری ملحوظ ومحمتم بولنا نلرک تمادی مندوریتلرینه میدان ویرمه مک ایچون بویله بر نقطه بی نظر دفته آلمق لازمدر . مقصد اعدامدن قورومق ایسه امر ویریکمز ، اعدام اولماسون .

لطفی بك (ملاطیه) — تحقیقات محاکمه نك شكل اساسنی تغییره سابق برماهیته ایسه .

عدلیه وکیلی رفیق شوکت بك — شکل اساسیسی تغییره سائق اوله حق برماهیته اولسه بیله نتیجه نه اوله بیلیر . مضمونلرک لهنه اولورسه ضرری یوق . فقط علینه اولورسه البته برقرار ویرر عفو ایدهرز .

خیری بك (درسم) — حکومت حبس ایتشدرد . وارسون . برایی آی دها بکله سون .

عدلیه وکیلی — خیری بك برادر مزه سویلهرم که قولاندقلری لسان بروکیل لسانی دکل . بن دیرمه که برأت ایتهلری ملحوظ اولانلری ممکن اوله بیلیدیکی تقدیرده برآن اول چیقارمقله مکلفز بنده کز هیئت جایسه نك نضر دقتنی جلب ایدیورم . (مذا کره می آچور زصدالری) خایر بکم ، عفو ایدرسکنز . مذا کره دکل نظر دقت عالیکنزه عرض ایدیورم . ایسته دیکیکیزی یاییکنز بن عدلیه وکیلی صفتیه وظیفه می یاییورم .

رئیس — بو هیئت تحقیقیه ینه وظیفه سنه دوام ایده جگهی ایتیه جگهی ؟

عدلیه وکیلی رفیق شوکت بك — ایده جک در . هیئتک وظیفه سنه دوامه مانع یوقدر . هیئت کیده جکدر . رئیس افندم ! مساعده بیورک . موضوع مذا کره من اتخابدر . وکیل بك مجلسک نظر دقتنی جلب ایده روك بیاناتده بولندی . علی الاصول بر تکلیف کلیر سه رایه وضع ایدرم . شمدی مسئله انتخاب مسئله سیدر . آماسیه ده کی شفقت اسلامیہ یوردینہ معاونت اجراسنه دائر اولان قانونده رایه اشتراک ایدن (۱۶۴) ذاتدر معامله تمامدر بش رده قارشی (۱۵۹) رأی ایله قانون قبول ایدلشدر . تنسیب بیورورسه کز اون دقیقه تنفس ایده لمده اوندن صوکره انتخابی یایالم .

مرسين ، مصطفی بك درسم ؛ توفیق بك ارزنجان ، یحیی غالب
 بك قیرشهر ؛ عمر ممتاز بك آنقره ؛ شریف بك سینوب ؛
 علی وفا بك آنطالیه ؛ حافظ ابراهیم افندی اسپارطه ؛ عمراطفی
 بك صاروخان ؛ عثمان نوری افندی ارزنجان ؛ حسن خیری بك
 درسم ؛ عبدالله عزیزی افندی اسکیشهر ، مصطفی بك آنطالیه
 عثمان بك لازستان ؛ قدری افندی سعرد ؛ محمدراغب بك آماسیه
 علی واصف بك کینچ ؛ جمیل بك کوتاهیه ؛ ضیا بك کتغری ؛
 عبدالله افندی ایزمیت ؛ حسین بك اوزنجان ؛

لاجئہ قانونیہ بی رد ایدنلر

نبیل افندی قره حصار صاحب ؛ رفعت بك قیصری ؛ مفید افندی
 قیرشهر ؛ حاجی مصطفی افندی آنقره ؛ حاجی عاطف افندی آنقره ؛

اسپارطه ، جلال بك صاروخان ، دوقنور مصطفی بك قوزان ،
 خلیل خلقی افندی سعرد ، رجائی بك طربزون ، شکری بك
 جانیک ، دوقنور عابدین بك لازستان ، موسی کاظم افندی
 قونیه ، لطفی بك ملاطیه ، شیخ ثروت افندی بروسه ، امین بك
 اسکیشهر ، مصطفی کمال بك ارطغرل ، فخرالدین بك قارص ،
 تحسین بك آیدین ، صلاح الدین بك مرسین ، رشدی بك ارغنی
 حافظ حمدی افندی بیغا ، مصطفی فہمی افندی بروسه ، عثمان
 قدری بك موش ، عمر وہبی افندی قونیه ، محمد افندی بیغا
 طاہر افندی کتغری ، جودت بك کوتاہیه ، محمد شکری بك
 قره حصار ؛ رضا بك قیرشهر ؛ حاجی ولی افندی اسکیشهر ؛
 محمد وہبی بك قره سی ؛ امیر پاشا سیواس ؛ یوسف ضیا بك



شکری بك (قره حصار صاحب) — اکثریت
 اولوب اولمدیغنی تصنیف آرا نتیجہ سنده بالی اولور . ہم
 یوقلامہ اولور و ہمده وقت قازانمش اولورز افندم .
 رئیس — بندہ کنز بورادن صایارم افندم .
 عثمان بك (لازستان) رئیس بك انتخاباتی تأخیر ایدم
 دہا ای اولور افندم .
 رئیس — مجلس عالی بوندن اولکی جلسہ ده قرار
 ویرمش افندم . ایسترلسہ تأخیر ایدم .
 علی رضا بك — آماسیہ دن انتخابہ باشلاندى و آرا
 استحصال اولندی . شرف بك ادرنہ ، ثابت بك قیصری ،
 حسنی بك بتلیس ، تصنیف آرایہ مأمور ایدیلہرک جلسہ
 خفیہ بہ باشلاندى .

طقسان اوچنجی اجتماع — ایکنجی جلسہ
 رئیس — برنجی رئیس وکیلی حسن فہمی بك افندی
 کاتب — محمود سعید بك (موش)
 ۱۵ تشرین اول - ۳۳۷ جمعہ ایرتسی ۵ ساعت صوکرہ
 رئیس — افندم جلسہ بی آچیورم . بوندن اول
 قوچکیری ہیئت تحقیقیہ سنک انتخابہ باشلانمق اوزرہ
 جلسہ قیامتش ایدی . شمدی انتخابی یاپالم . فقط اگر
 اسم او قونمق صورتلہ یابیلہ جق اولورسہ چوق زمان غائب
 ایدرز . معلوم عالیکنز مهم بر مسئلہ نک مذاکرہ سیلہ
 مشغول اولہ جغز . آرزو بیوررسہ کنز برر ، برر بورایہ
 یوصلہ لری آتوب بوصورتلہ بئیرمش اولورز .



طقسان دردنجی اجتماع حقیدر